

UNIVERZITET U TUZLI
Broj: 01-22-JN-18/22 LOT 3
Tuzla, 12.05.2022. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a u vezi sa članom 72. stav (3) tačka a) Zakona o javnim nabavkama, po punomoći Rektora Univerziteta u Tuzli broj: 01-2593-1/20 od 11.06.2020. godine Direktor za ekonomske poslove dana 12.05.2022. godine donio je

ODLUKU O DODJELI OKVIRNOG SPORAZUMA I UGOVORA

I

U okončanom otvorenom postupku javne nabavke za pružanje usluga raznog štampanja (časopisi, brošure, zahvalnice, plakati i drugi štampani materijal) za potrebe Univerziteta u Tuzli u 2022. godini, izabran je ponuđač „EUROGRAFIKA“ d.o.o. Zvornik sa ponudnom cijenom nakon održane e-aukcije u ukupnom iznosu od 23.960,00 KM bez uračunatog PDV-a, odnosno 28.033,20 KM sa uračunatim PDV-om, te se istom dodjeljuje okvirni sporazum i ugovor o pružanju usluga.

II

Ponuda ponuđača iz tačke I ove Odluke izabrana je kao drugorangirana, koja je po rang listi odmah nakon ponude najuspješnijeg ponuđača iz razloga što je prvorangirani ponuđač propustio dostaviti original ili ovjerene kopije dokumentacije iz člana 45 Zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ.

III

Ponuda ponuđača iz tačke I ove Odluke ispunjava sve uslove postavljene u tenderskoj dokumentaciji i što je po svim svojim elementima, uključujući i ponudenu cijenu nakon održane e-aukcije prihvatljiva za Univerzitet u Tuzli.

IV

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 7. Tenderske dokumentacije.

V

Sa danom donošenja ove Odluke stavlja se van snage Odluka o dodjeli okvirnog sporazuma i ugovora broj: 01-22-JN-13/22 LOT 3 od 25.04.2022. godine.

Obrazloženje

Univerzitet u Tuzli pokrenuo je postupak javne nabavke za pružanje usluga raznog štampanja (časopisi, brošure, zahvalnice, plakati i drugi štampani material) potrebe Univerziteta u Tuzli u 2022. godini s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-22-JN-1/22 LOT 3 od 18.03.2022. godine. Obavještenje o nabavci objavljeno je na portalu javnih nabavki "E-nabavke" broj: 795-1-2-12-3-46/22 od 30.03.2022. godine, u „Službenom glasniku BiH“ broj: 18/22 od 01.04.2022. godine i web stranici Univerziteta.

U ostavljenom roku ponudu su dostavila četiri ponuđača „Eurografika“ d.o.o. Zvornik, „OXYGEN“ d.o.o. Sarajevo, „PRINT SHOP“ d.o.o. Istočno Sarajevo i „OFF-SET“ d.o.o. Tuzla.

Budžet za zaključivanje okvirnog sporazuma iznosi 28.000,00 KM bez PDV-a.

Komisija za provođenje postupka javne nabavke je pregledala dostavljene ponude i utvrdila da su ponuđači dostavili sve dokaze zahtijevane tenderskom dokumentacijom zbog čega su ocijenjeni kvalifikovanim za dobro obavljanje posla.

Ponude kvalifikovanih ponuđača su pregledane i utvrđeno je da su iste tehnički zadovoljavajuće.

Provjerom računске ispravnosti ponuda uočena je računska greška kod ponude ponuđača „OXYGEN“ d.o.o. Sarajevo te je istom upućen upit broj: 01-22-JN-10/22 LOT 3 od 19.04.2022. godine. Ponuđač je

aktom broj: 01-22-JN-11/22 LOT 3 od 19.04.2022. godine potvrdio ispravku računске greške i ukupne cijene ponude na iznos 31.773,30 KM bez PDV-a.

Prihvatljive ponude kvalifikovanih ponuđača Univerzitet je unio u bazu „E-nabavke“ da bi se iste vrednovale u odnosu na zadani kriterij odabira „naniža cijena“ i to putem e-aukcije, u skladu sa Pravilnikom o uslovima i načinu korištenja e-aukcije („Službene novine BiH“ broj: 66/17).

Nakon uspješno okončane “E-aukcije” i u skladu sa Izvještajem o toku i završetku “E-aukcije” od 22.04.2022. godine sačinjena je slijedeća rang lista ponuda po povoljnosti:

1. “PRINT SHOP“ d.o.o. Istočno Sarajevo – 23.000,00 KM bez PDV-a
2. “EUROGRAFIKA” d.o.o. Zvornik – 23.960,00 KM bez PDV-a
3. “OXYGEN” d.o.o. Sarajevo – 28.665,00 KM bez PDV-a
4. “OFF-SET” d.o.o. Tuzla – 36.570,00 KM bez PDV-a

Ugovorni organ je prvobitno odabrao ponudu ponuđača „PRINT SHOP“ d.o.o. Istočno Sarajevo kao prvorangiranu na rang listi ponuda po povoljnosti Odlukom o dodjeli okvirnog sporazuma i ugovora broj: 01-22-JN-13/22 LOT 3 od 25.04.2022. godine. Budući da je navedeni ponuđač propustio dostaviti original ili ovjerene kopije dokumentacije iz člana 45. Zakona o javnim nabavkama BiH, ne starije od tri mjeseca od dana dostavljanja ponude, tačnije nije dostavio dokumente iz člana 45. stav (2) tačka d) uvjerenje nadležne institucije da je kandidat/ponuđač izmirio dospelje obaveze u vezi s plaćanjem indirektnih poreza, iako je u svojoj Ponudi dostavio vlastitu Izjavu da nije u PDV sistemu u obavezi je bio isto dokazati dostavljanjem uvjerenja nadležne institucije u ostavljenom roku od strane ugovornog organa, a u svemu prema Zakonu i Tenderskoj dokumentaciji, ugovorni organ je postupio shodno članu 72. stav (3) tačka a), te je dodijelio ugovor drugorangiranom ponuđaču, čija je ponuda po utvrđenoj rang listi odmah nakon ponude najuspješnijeg ponuđača.

Shodno svemu navedenom izabrana je ponuda ponuđača „EUROGRAFIKA“ d.o.o. Zvornik iz razloga jer ista sljedeća na utvrđenoj rang listi, te da zadovoljava sve postavljene uslove utvrđene Tenderskom dokumentacijom zbog čega se istom dodjeljuje Okvirni sporazum i ugovor o pružanju usluga raznog štampanja (časopisi, brošure, zahvalnice, plakati i drugi štampani materijal).

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove je odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE
Husein Matović
Husein Matović, dipl. oec.